

## MËSIMI 37

1. Kush i shkroi pesë librat e parë në Librin e Perëndisë, Biblën?

-Moisiu.

2. Nga e dinte Moisiu se çfarë të shkruante?

-Perëndia e udhëzoi Moisiun për të shkruar atë që Perëndia donte që ai të shkruante.

3. Ndërsa izraelitët po udhëtonin nëpër shkretëtirë, nga e dinin rrugën ata?

-I drejtonte Perëndia.

4. Për ku po i drejtonte Perëndia izraelitët?

-Perëndia po i drejtonte izraelitët për në Kanan, toka që Ai i kishte premtuar stërgjyshit të tyre Abrahamit.

5. Kur izraelitët arritën te kufiri i Kananit, çfarë i tha Perëndia Moisiut të bënte?

-Të zgjidhte një burrë nga secili prej dymbëdhjetë fiseve për të shkuar dhe parë vendin.

6. Dhjetë burrat që nuk i besonin Perëndisë nuk donin të hynin në tokën e Kananit. Pse jo?

-Ata ishin të frikësuar nga njerëzit e mëdhenj dhe të fuqishëm që jetonin në tokën e Kananit.

-Nuk besonin që Perëndia ishte aq i fuqishëm sa t'i mundte njerëzit e Kananit.

7. Përse donin Kalebi dhe Jozueu të hynin në Kanan?

-Ata nuk kishin frikë nga njerëzit e mëdhenj dhe të fuqishëm që jetonin në tokën e Kananit.

-Ata besonin që Perëndia do ta mbante premtimin e Tij dhe do t'u jepte izraelitëve tokën e Kananit.

-Ata besonin që Perëndia ishte aq i fuqishëm sa t'i mundte njerëzit e Kananit.

8. Nëse ne nuk e besojmë mesazhin e Perëndisë, si po e quajmë ne Perëndinë?

-Gënjeshtar.

9. Për shkak se izraelitët nuk besuan në Perëndinë, vetëm kush do të hynte në Kanan?

-Fëmijët e izraelitëve dhe Kalebi me Jozueun.

10. Për shkak se izraelitët nuk besuan në Perëndinë, si i dënoi Perëndia ata?

-Ata nuk do të hynin në Kanan.

-Ata do të vdisnin të gjithë në shkretëtirë.

- Për shkak se izraelitët nuk besuan në Perëndinë, ata nuk hynë në Kanan, por u endën përqark në shkretëtirë.

-Kur izraelitët arritën në Kadesh, nuk kishte ujë.

-Çfarë mendon ti se bënë izraelitët?

Le të lexojmë Numrat 20:1-5

1-Pastaj tërë asambleja e bijve të Izraelit arriti në shkretëtirën e Sinit në muajin e parë dhe populli qëndroi në Kadesh. Këtu vdiq dhe u varros Miriami.

2-Por mungonte uji për asamblenë, prandaj u mblodhën kundër Moisiut dhe Aaronit.

3-Kështu populli u grind me Moisiun dhe i foli, duke i thënë: "Të kishim vdekur kur vdiqën vëllezërit tanë para ZOTIT!

4-Pse e çuat asamblenë e ZOTIT në këtë shkretëtim që të vdesim, ne dhe bagëtia jonë?

5-Dhe pse na bëtë të dalim nga Egjipti për të na sjellë në këtë vend të keq? Nuk është një vend që prodhon grurë, fiq, rrush ose shegë dhe mungon uji për të pirë".

-Kur izraelitët nuk kishin ujë, a besuan ata që Perëndia do t'u jepte ujë?

-Jo.

-Çfarë bënë izraelitët?

-Ata ia vunë fajin Moisiut dhe Aaronit.

-Çfarë duhet të kishin bërë izraelitët kur nuk kishin ujë?

-Ata duhet t'i kishin kërkuar Perëndisë t'u jepte ujë.

-Në të kaluarën, Perëndia u dha ujë atyre nga shkëmbi.

-Pse izraelitët nuk i kërkuan ujë Perëndisë?

-Sepse ata nuk besonin në Perëndinë.

-Sot, shumë njerëz janë si izraelitët.

-Megjithëse Perëndia jep shiun dhe i bën bimët të rriten,

shumë njerëz akoma nuk besojnë në Të.

-Çfarë bënë Moisiu dhe Aaroni kur nuk kishte ujë?

Le të lexojmë Numrat 20:6

6-Atëherë Moisiu dhe Aaroni u larguan nga asambleja për të vajtur në hyrje të çadrës së mbledhjes dhe ranë përmbys me fytyrën për tokë; dhe lavdia e ZOTIT iu shfaq atyre.

-Moisiu dhe Aaroni besuan në Perëndinë.

-Moisiu dhe Aaroni i kërkuan Perëndisë që t'ju jepte ujë atyre.

-A mundeshin Moisiu dhe Aaroni t'u jepnin ujë izraelitëve?

-Jo.

-Pse jo?

-Sepse ata ishin në shkretëtirë.

-Nëse Perëndia nuk do vendoste t'u jepte ujë izraelitëve, çfarë do të ndodhte?

-Të gjithë izraelitët do të vdisnin.

-A vendosi Perëndia t'u jepte ujë izraelitëve?

Le të lexojmë Numrat 20:7-8

7-Pastaj Zoti i foli Moisiut, duke i thënë:

8-"Merr bastunin; ti dhe vëllai yt Aaron thirrni asamblenë dhe para syve të tyre i flisni shkëmbit, dhe ai

do të japë ujin e tij; kështu do të nxjerrësh për ta ujë nga shkëmbi dhe do t'u japësh të pinë njerëzve dhe bagëtisë së tyre".

-Për shkak se Perëndia i donte izraelitët, Ai vendosi që t'u jepte ujë.

-Cili ishte urdhërimi që i dha Perëndia Moisiut?

-Perëndia e urdhëroi Moisiun që t'i fliste shkëmbit.

-Në të kaluarën kur izraelitët kishin nevojë për ujë, Perëndia e urdhëroi Moisiun ta godiste shkëmbin.

-Tani, Perëndia e urdhëroi Moisiun t'i fliste shkëmbit.

-Çfarë bëri Moisiu?

### Le të lexojmë Numrat 20:9-11

9-Moisiu mori, pra, bastunin që ishte përpara ZOTIT, ashtu si e kishte urdhëruar ZOTI.

10-Kështu Moisiu dhe Aaroni thirrën asamblenë përpara shkëmbit dhe Moisiu u tha atyre: "Tani dëgjoni, o rebelë; a duhet të nxjerrim ujë për ju nga ky shkëmb?".

11-Pastaj Moisiu ngriti dorën, goditi shkëmbin me bastunin e tij dy herë dhe prej tij doli ujë me bollëk; kështu asambleja dhe bagëtia pinë ujë.

-A i foli Moisiu shkëmbit?

-Jo.

-Çfarë bëri Moisiu?

-Ai e goditi shkëmbin dy herë.

-Pse e goditi Moisiu shkëmbin?

-Sepse ai ishte i zemëruar me izraelitët.

-A iu bind Moisiu Perëndisë?

-Jo.

-Çfarë u tha atëherë Perëndia Moisiut dhe Aaronit?

Le të lexojmë Numrat 20:12

12-Atëherë ZOTI u tha Moisiut dhe Aaronit: "Me qenë se nuk më besuat për të më mbuluar me lavdi para syve të bijve të Izraelit, ju nuk do ta futni këtë asamble në vendin që unë u dhashë atyre".

-Për shkak se Moisiu dhe Aaroni nuk iu bindën Perëndisë, a i dënoi Perëndia ata?

-Po.

-Si i dënoi Perëndia Moisiun dhe Aaronin?

-Perëndia u tha atyre që ata nuk do të hynin në tokën e Kananit.

-Kur erdhi koha që Aaroni të vdiste, Perëndia i tha Moisiut ta merrte Aaronin në majë të malit që ishte aty afër.

Le të lexojmë Numrat 20:23-25 & 28

23-Dhe ZOTI i foli Moisiut dhe Aaronit në malin Hor, në kufijtë e vendit të Edomit, duke thënë:

24-"Aaroni po bashkohet me popullin e tij, dhe nuk ka për të hyrë në vendin që u kam dhënë bijve të Izraelit, sepse keni ngritur krye kundër urdhrimit tim në ujërat e Meribës.

25-Merr Aaronin dhe Eleazarin, birin e tij, dhe çoji lart, në malin e Horit.

28-Moisiu ia zhveshi rrobat Aaronit dhe ia veshi Eleazarit, birit të tij; dhe Aaroni vdiq aty, në majë të malit. Pastaj Moisiu dhe Eleazari zbritën nga mali.

-Atje në majë të malit, vdiq Aaroni.

-A hyri Aaroni në tokën e Kananit?

-Jo.

-Pse jo?

-Sepse Aaroni nuk iu bind Perëndisë.

-A e mbajti Perëndia Fjalën e Tij?

-Po.

-Perëndia gjithmonë e mban Fjalën e Tij.

-Kush e zuri vendin e Aaronit si kryepriфт?

-Eleazari, djali i Aaronit.

-Disa kohë pas kësaj, izraelitët u ankuan përsëri.

Le të lexojmë Numrat 21:4-5

4-Pastaj bijtë e Izraelit u nisën nga mali i Horit, dhe u drejtuan nga Deti i Kuq, për t'i ardhur qark vendit të Edomit; dhe populli u dëshpërua për shkak të rrugës.

5-Populli, pra, foli kundër Perëndisë kundër Moisiut, duke thënë: "Pse na nxorët nga Egjipti që të vdesim në këtë shkretëtirë? Sepse këtu nuk ka as bukë as ujë, na vjen neveri për këtë ushqim të keq".

-Megjithëse Perëndia u kishte dhënë ujë izraelitëve, ata vazhduan të ankohen.

-Për shkak se izraelitët vazhduan të ankohen, çfarë u bëri Perëndia atëherë atyre?

### Le të lexojmë Numrat 21:6

6-Atëherë ZOTI dërgoi midis popullit gjarpërinj flakërues, të cilët kafshonin njerëzit, dhe shumë Izraelitë vdiqën.

-Perëndia i dënoi izraelitët duke dërguar shumë gjarpërinj helmues mes tyre.

-Gjarpërinjtë helmues ishin kudo.

-Shumë nga izraelitët u pickuan nga gjarpërinjtë dhe vdiqën.

-Gjarpërinjtë janë si mëkati.

-Ashtu si gjarpërinjtë i pickuan izraelitët dhe ata vdiqën, kështu edhe mëkati i pickon njerëzit dhe ata vdesin.



-A ishin në gjendje izraelitët t'u shpëtonin gjarpërinjve helmues?

-Jo.

-Pse jo?

-Sepse gjarpërinjtë helmues ishin kudo?

-Kur Perëndia vendos të dënojë njerëzit që nuk besojnë tek Ai, nuk ka vend ku ata mund të shkojnë.

-Në ditët e Noeut, a kishte ndonjë vend jashtë varkës ku njerëzit mund të shpëtonin?

-Jo.

-Në ditët e Sodomës dhe Gomorës, a kishte ndonjë vend ku njerëzit brenda qytetit mund të shpëtonin?

-Jo.

-A i shpëtoi gruaja e Lotit dënimit të Perëndisë kur ajo shikoi mbrapa te Sodoma dhe Gomora?

-Jo.

-Kur Perëndia vendos të dënojë njerëzit që nuk besojnë tek Ai, nuk ka vend ku ata mund të shpëtojnë.

-Kur vdiqën shumë izraelitë, çfarë bëri pjesa tjetër e izraelitëve?

Le të lexojmë Numrat 21:7

7-Dhe kështu populli shkoi te Moisiu dhe i tha: "Kemi mëkatuar, sepse kemi folur kundër ZOTIT dhe kundër

teje; lutju ZOTIT që të largojë nga ne këta gjarpërinj" Dhe Moisiu u lut për popullin.

-A e pranuan izraelitët mëkatin e tyre?

-Po.

-A i kërkuan izraelitët Moisiut dhe Perëndisë t'i ndihmonin?

-Po.

-A ishin në gjendje vetë izraelitët që ta shpëtonin vetveten nga gjarpërinjtë?

-Jo.

-A ishte në gjendje Moisiu që t'i shpëtonte izraelitët nga gjarpërinjtë?

-Jo.

-Kush ishte i Vetmi që mund t'i shpëtonte izraelitët nga gjarpërinjtë?

-Perëndia.

-A i ndihmoi Perëndia izraelitët?

### Le të lexojmë Numrat 21:8-9a

8-Pastaj Zoti i tha Moisiut: "Bëj një gjarpër flakërues dhe vëre mbi një shtizë; kështu çdo njeri që do të kafshohet prej tij dhe do ta shikojë, ka për të jetuar".

9-Moisiu bëri atëherë një gjarpër prej bronzi dhe e vuri mbi një shtizë.

-Çfarë i tha Perëndia Moisiut të bënte për të shpëtuar izraelitët?

-Të bënte një gjarpër prej bronzi e ta vendoste në një shtizë.

-Nëse izraelitët donin të shpëtonin nga vdekja, çfarë duhet të bënin ata?

-Duhet të shikonin lart tek gjarpëri prej bronzi.

### Le të lexojmë Numrat 21:9b

9b-Dhe ndodhte që, kur një gjarpër kafshonte dikë, në rast se ky shikonte gjarpërin prej bronzi, ai vazhdonte të jetonte.

-A jetuan ata izraelitë që shikonin lart tek gjarpëri prej bronzi?

-Po.

-Nëse izraelitët do të ishin lutur, por nuk do të kishin parë tek gjarpëri, a do t'i shpëtonte Perëndia ata?

-Jo.

-Nëse Izraelitët do t'i kishin ofruar një fljirim Perëndisë dhe nuk do të kishin parë tek gjarpëri, a do t'i shpëtonte Perëndia ata?

-Jo.

-Në mënyrë që të shpëtoheshin, izraelitët duhet t'i bindeshin vetëm asaj që tha Perëndia.

-Në mënyrë që të shpëtoheshin, izraelitët duhet të ndiqnin vetëm rrugën e Perëndisë.

-Në mënyrë që të shpëtoheshin, izraelitët duhet të shikonin vetëm tek gjarpëri lart në shtizë.

-A vdiq ndonjë izraelit që pa tek gjarpëri prej bronzi lart në shtizë?

-Jo.

-A kishte ndonjë fuqi gjarpëri prej bronzi për t'i shpëtuar izraelitët?

-Jo.

-Kush është i Vetmi që kishte fuqinë për t'i shpëtuar Izraelitët?

-Perëndia.

-Perëndia gjithmonë i mban premtimet e Tij.

-Perëndia i shpëtoi të gjithë Izraelitët që panë lart tek gjarpëri prej bronzi.

-A sillte mëkati i izraelitëve vdekjen?

-Po.

-Megjithëse mëkati i izraelitëve sillte vdekjen, Perëndia ishte i mëshirshëm ndaj izraelitëve.

-Megjithëse mëkati i izraelitëve sillte vdekjen, Perëndia i shpëtoi ata që besuan në Të.